

---

**CYFARFOD: PWYLLGOR ARCHWILIO**

**DYDDIAD: 18 RHAGFYR 2014**

**TEITL: RHAGLEN GYFALAF 2014/15 - ADOLYGIAD DIWEDD YR AIL CHWARTER (30 MEDI 2014)**

**PWRPAS: ADRODDIAD MONITRO AR WARIANT AC ARIANNU'R RHAGLEN GYFALAF**

**GWEITHREDIAD: Derbyn yr wybodaeth, ystyried y risgiau ynglŷn â'r Rhaglen Gyfalaf, a chraffu penderfyniadau drafft y Cabinet**

**SWYDDOG CYSWLLT: DAFYDD L EDWARDS, PENNAETH CYLLID**

**AELOD CABINET: CYNGHORYDD PEREDUR JENKINS**

---

1. Yn unol â gofynion Mesur Llywodraeth Leol (Cymru) 2011, disgwylir i'r Pwyllgor Archwilio graffu rhai materion ariannol gan gynnwys adroddiadau monitro cyllideb, lle'n briodol.
2. Cyflwynwyd yr adroddiad atodol (adolygiad ail chwarter o'r rhaglen gyfalaf) i'r Cabinet ar 25 Tachwedd ar gyfer penderfyniadau ynglŷn â'r rhaglen ddiwygiedig a'i ariannu. Mae Cadeirydd y Pwyllgor Archwilio wedi mynychu'r cyfarfod Cabinet fel arsyllwr, ac wedi gofyn i ni gyflwyno'r adroddiad Cabinet atodol i'r Pwyllgor Archwilio, i'w graffu ynghyd â'r penderfyniadau perthnasol.
3. Gofynnir i'r Pwyllgor Archwilio nodi'r sefyllfa ac unrhyw risgiau yng nghyswllt rhaglen gyfalaf y Cyngor, craffu penderfyniadau'r Cabinet, a sylwebu fel bo angen.
4. Cafodd cynllun Pont Briwet ei adnabod fel risg, ond gan fod y mater yn cael ei graffu yn y Pwyllgor Cymunedau ar 2 Rhagfyr, penderfynwyd osgoi dyblygu'r craffu hynny a derbyn sylwadau gan aelodau fu'n bresennol. Pe bai'r Pwyllgor Archwilio awydd craffu ymhellach ar risgiau ariannol ynglŷn â chynllun Pont Briwet, yna gellid gwahodd swyddogion o'r Adran Rheoleiddio a'r Aelod Cabinet perthnasol i gyfarfod Gweithgor o'r Pwyllgor Archwilio.

**Wedi'i amgau:**

Adroddiad Rhaglen Gyfalaf 2014/15 – adolygiad yr ail chwarter (Cabinet 25/11/2014)  
Taflen penderfyniad (Cabinet 25/11/2014)